

發言人：鄭國基

多謝主席，

我係一個保險從業員，近來聽到坊間傳言，今次騷動事件，保險係唔會獲得賠償，雖然保險業聯會已出來澄清只係個別保單因民事騷動條款而不受保障之外，一般保險公司在今天事件都會予以寬鬆態度處理，如果保單加有罷工暴動及惡意破壞條款，都會獲得賠償，但保戶要承擔自付額，玻璃賠償亦有上限。

但係續保嘅時候保單條款會否更改則很難講。導致好多被波及嘅無辜商鋪難以抉擇是否繼續經營。

我好欣賞香港年輕人為自己嘅理想敢于承擔，兄弟爬山，齊上齊落，不離不棄！

當然，係兄弟就當然要捱義氣，但有啲真係出嚟和理非表達訴求嘅示威者，大家根本互不相識，如果因為有個別勇武分子嘅個人行為而被拖累，就好似啲店鋪東主一樣，好無辜！其實而家整個社會都被撕裂，無論你係藍色、黃色甚至溫和中間派、普通老百姓都被拖入這個漩渦，出街都唔敢亂講嘢，一怕得罪朋友，二怕無辜俾人打！好有壓力感！

聖經話，凡事都可作，但總不要影響他人，年輕人話要攞炒，但係點解未問過我哋，就攞住我哋嚟炒呢？

其實我覺得香港之前嘅生活真係幾好，點解而家會搞成咁！我聽到有年青人話我唔似啲政治明星有政治光環，有外國保護。所以我要戴上口罩保護自己，我相信如果你唔衝擊，警察亦會升級逮捕行動，警察亦承受好大壓力。

實施禁止蒙面規例，其實對雙方都公平，起碼在陽光底下，誰是和理非示威者，誰是暴徒，就清清楚楚，誰人犯法，無論是暴徒或警察，都應該受法律制裁。

我相信大部分香港市民，都希望香港儘快回復平靜，可以好似以前一樣，有穩定工作，去搵錢養妻活兒，照顧家庭，搵錢交租，搵錢供樓、老闆又唔使擔心公司今個月蝕幾多錢，仲頂得幾耐，需唔需要裁員。

多謝主席！